


नेपालवर्ष क्रिया नखःचखः पुस्तकम्



मूल भाषां संहिता

प्रकाश याह्य

पं.बै. आशाकाजि [गणेश राज] बज्राचार्य

यल अथननि (बाहा)

रवि शाक्य, इखाछँ, यल

1

2

श्री स्वयम्भुवे नमः

नेपालवर्ष क्रिया नखःचखः
पुस्तकम्

प्रकाश याह्यः

पं. बै. आशाकाजि [मणेश राज] बज्राचार्य

यल अथननि (बाहा)

वंगु ब जुया च्वंगु खँ

गुगुजा खः नेवाले (१२) मासपर्यन्त यानावया च्वंगु थिति म्हसीकेत न्हापा विद्वान्म्ह यल गावाहा-
तोल निवासी श्री पं. कण्ठानन्द ब्राम्हणजुं आपालं
सफु स्वयां संग्रहबानातगु, नेपालवर्ष क्रिया नाम हस्त
लिखित पुस्तक - वसपोलया सन्तान मंगलानन्दजुं
ह्लापा जि बिद्यार्थीबले मिले जूम्ह पाशाजुया उक्त
पुस्तक जितक्यन ।

वेकयात धन्यबादयाना जि व पुस्तक थमंहे च्वया
ल्हायाकया । मूलगु पुस्तक पाशायात लितविया । व
पुस्तक मूलश्लोक संस्कृत खः । लिपा जि सः सः थ्ये
नेपालभाषां अर्थ च्वया विद्वान् पित्तक्यना ह्लापा
विक्रम सम्बत् (२०११) साले येँ कोछें तोले वि-

ज्पाल पं. ज्ञानरत्न बज्राचार्यजुया बागीश्वर प्रेसे
छापेयाका (१०००) धाः प्रकाश याय् धुंगुखः ।

आः हानं छक प्रचारयाना थ्व पुस्तकया नाम
नेपालवर्ष क्रिया नखचख खः । थ्व पुस्तक सोया
विज्याइपिं / दीपिं महानुभाव पिसं नेपालदेशे विशेष
महिनापत्तिकं देव देवीपिन्त भक्तिपूर्वक पूजादिकर्म
याना नखचख धका मानेयाना च्वंगु क्रिया यथार्थ
रुपं ज्ञात ज्वी ।

नेपाल देशे देव देवीपिं आपालं थाय् थासे दिग्
विदिग् स साधन क्रिया धारा विज्याका थापना
याना विहार मन्दिर चैत्य देवालये देश राजा प्रजा
सकल प्राणिपिन्त रक्षाज्वीकेगु निम्ति बखत बखते
निस्पूजादि याना देवतापिन्त सन्तोष ज्वीका प्रमा-
नानुसारं जात्रा मानेयाना वया च्वंगु सीकेगु विषये
नेपाल पवित्र देवस्थल भूमीस विविध प्रकारया
देवमूर्ति सांस्कृत कला हस्तमुद्रा ल्हाति ज्वंका च्वंभि
मण्डजाकारं देवालये मन्दिरे छचालं तया ल्हापाया

विद्वान् पिसं तः तः धंगु तंत्र सूत्र शास्त्रे उल्लेख
जुयाच्चंगु मंत्रया सिद्धि लाना निर्माणयाना थकूगु
देश खः ।

नेपाल देश चिकिचा धंगु जूसानं असूत्यरत्न-
तुल्यगु विविध प्रकारया शास्त्र (सफु) देव देवीपिंगु
मूर्ति विलिविलि जायाच्चंगु सकसिनं सिया खना
च्चंगु खः ।

अहमपि अस्मिनेव स्थाने थुजागु पवित्र स्थाने
जन्म जुयाम्ह जिनंछम्ह खः । निगुरू स्मरणयाना
अर्थच्चया थुगु पुस्तक प्रचारयाना । गनंपद द्वनेफु
अध्ययन याना विज्याईपि दीपिसं कृपापूर्वक क्षमा
तया विज्याईगु बीगु आशायाना ।

वरावर प्रेसे विज्याना प्रकसोया बिज्याम्ह
हेराकाजि शाक्यजुयात पुनः यायनं पुस्तक प्रचार
याय्फेय सिधेका विज्यागुलि प्रेशयातनं धन्यवाद दु ।

। सर्वदा शुभ अस्तु ।

अर्थच्चया पिकाम्ह

नेपाल वर्ष क्रिया नखः चखः

श्रीः

स्वयम्भुवे नमः

पुनः

जेशाल निर्माण कृत महामंजुश्री गुरवे नमः

आदौ

मंगलाचरणम्

श्री धर्मधातु स्थित मंजुदेवं

ज्ञानस्वरूपं सततं भजामि

तं बोधिसत्त्व मतिशान्तरूपं

प्रज्ञा प्रदानं प्रणमामि भूयः ।

अर्थ

प्रख्यात महाचीन देशं विज्याना पद्मासत श्री
स्वयम्भू आदिबुद्ध दर्शनार्चनं याय् धुंका महाहुद
नाम पुखुया लः थाय् थासं पिछोया देश निर्माण

पुनः अग्निस होमयाय् धुंका थः पिनिनं नयेगु नव-
ग्रहतेगु मभिगु दोष फुक शान्तजुइ । ० ।

सहस्रधारा हायेकेगु काल द्वीप पुराणे प्रमाण

विष्णुबचन माघपुन्होया मेला

माघशुक्ल पौर्ण मास्यां शीर्षे सहस्र धारकं ।

घटेन स्नानमात्रेण प्राप्यते परमं पदम् । ३६ ।

अर्थ

माघशुक्लया (सिल्लापुन्ही) खुन्हु तीर्थे स्नान
याना थःगु शिरे घःयालखं सहस्रधारा (दोछिधाः)
लखं हायेकेगु शुद्धगु वस्त्रो भरणयाना लः फ्या
काय्गु । देवालये मन्दिरे प्रदक्षिणा याय्गु धूस्रपान
अमेय वस्तु अशुद्ध धका सीका आहार मयासे व्रतारंभ
याना शुद्धगु निरामीष पंचामृत सहित मधि फला-
हार पालं याय्गु । पाप मोचन जुया आयु बृद्धि
ज्वी । च्वे लागु परमपद प्राप्तज्वी । ० ।

शिवरात्रि (सलाचरे) शिवजन्म धाइ

लिंगपुराणे शिवबचन प्रमाण

त्रयोदश्यां यदा तत्र चोपवासं समाचरेत् ।

शिवरात्रि व्रतंतत्र कुर्याज्जागरणं तथा ।३७।

भगाकार त्रयोदश्यां लिंगाकार चतुर्दशी ।

भगलिंग समायोगं तद्दिने शिव पूजनम् ।३८।

शिवलिंग प्रकुर्वीत अर्घ्यदानं प्रकुर्वते ।

होमंकुर्या द्वादारात्रौ व्रतमद्य समर्पयेत् ।३९।

अर्थ

माघकृष्णया चतुर्दशी (सिलाचरे) खः । वयां छन्हु ल्लयव त्रयोदशीखुन्हु स्मानयाना उपवास अवसं चवनेगु । चान्हे मद्यंसे होमयाये । चतुर्दशी कयनेवं शिवलिंग मूर्ति चाहुला महादेव पूजायाये शिवमंत्रया सिद्धि याकनं दइ ।

थन संधवा भाष अर्थ थथ्ये सीके । भगशब्दया त्रयोदशी तिथिज्वी । लिंगशब्दया चतुर्दशी तिथिज्वी । भगलिंग समायोगं धागु अर्थ त्रयोदशी तिथि फुना चतुर्दशी तिथि कयनेवं — तद्दिने शिवपूजनं धागुया अर्थ उगु बेलास अथवा विशेष रात्रिष जन्मजूम्ह

शिवखः महादेव लुमंका जागर मद्यंसे चवना महादेवया
मंत्र द्वारा होमार्चन पूजादि कर्मयाये । तत्कारणं
शिवमंत्र सफलजुया सिद्धि दइ । । तंत्रया अर्थ
गंभीर संध्या भाषा आपालं ग्रन्थे प्रमाण दु । अःखगु
अर्थयाना ज्यायातकि रोगज्वी असिद्धि वें जुया जन्म
व्यर्थज्वी । अत्यायु याकनं सिनावनि धागुदु । तंत्रे
घनघोर अर्थदु । बांलाक बिचारं खंकेमा - विद्वान
विके न्यना याय्गु थःत सफलज्वी । ० ।

सम्बरोदय तंत्रे चक्र सम्बर बचन थथ्ये दु - बुद्ध
पूजा अथवा चक्र सम्बर जित पूजा याय्बले थथ्ये
सीके । । मद्य मासं बिना पुज्यं होमं चैव बिना
धृतम् । थथ्ये प्रमाणकन, मद्यया अर्थ थों ऐला मखुः
मांसया अर्थ प्राणि स्यानातगु ला मखु । । मद्यया
अर्थ नैक्याफल या रस । मांसया अर्थ खवाला ब
पुः नेमज्यूगु फलयात मांस धाइ । । विवरण
सीके - फंसी, अँ, कटह, खरबूज, तरबुज, धाले,
सकि, हि, गुलाबजंमा, नैक्या, छोरा, दाख, अमासि,

लहसि, तुसि, लै, केरा, सुन्तला, पासि इत्यादि
यात मांस धागुखः । थ्वखँ सीकेगु कालचक्र तंत्रे
बांलाक दु ।

घृत घ्यः मदेकं होम ज्वीमखु धागु अर्थ थिकजु ।
मद्य मांसं बिना पुज्यं धागु अर्थ सन्ध्या भाएखः सीकेमा ।
थ्वं ऐला लाः मदेकं पूजा ज्वीमखु थथ्ये अर्थयाना
बर्तमान बुद्ध धर्म पूजादि याना याका च्वंगुलि
असिद्धि जुया वन सीके बहजु । । ह्लापाया विद्वान्
आचार्य गुरुभि विद्वान् जूगुलि सन्ध्याभाष म्हसीका
यथार्थ अर्थ दर्शन बोध ज्वीका पूजादियाना तः तः
धंगु सिद्धिफल प्राप्त ज्वीका अनेक ऋद्धि पुरुषार्थ
कयनावन । ० ।

-०००-

(५) फालगुण मास क्रियारंभ । फालगुण सुदि होसि
पुन्हो चिल्लापुन्हो धाइ ।

पद्म पुराणे प्रमाण कृष्ण बचन

फालगुण पौर्णि मास्यांच गोविन्द स्वपुरे व्रजन् ।

अष्टगन्धं चाभ्रकंच फल धूलि समन्वितम् ।४०।

अर्थ

फालगुण पुन्ही खुन्हु कृष्णया भुवने वने धका
मनेतया छुं नस्वागु वस्तुनं सहित याना वंषि नारी-
गणपिन्त सिद्ध अभोरं छाका हितेगु सिन्धूर
मात्रायागु खः । थः थः गु मन थमं थमं हर्ष याये ।
थ्व खना कृष्ण खुसिजुया बिज्याइ थथ्ये अनेकार्थ
दु । ० ।

लुकु महादेव पूजा महाकाल तंत्रे शिवबचन

फालगुण कृष्ण भूताहे नाम्नाभूत चतुर्दशी ।

तद्दिने शिवपूजांच सुरा मांसोपचारकः ।४१।

कज्जलं नेत्रयोर्दद्याद्वाय्यते लोह मुद्रिका ।

पीठसेवा मपिकुर्यो भूतादि भय नाशनम् ।४२।

विशेष अर्थ

फालगुणया चतुर्दशीयात भूतचतुर्दशी धाइ ।

खुन्हुया रात्रिस् बांलाह्य भूतरूप कया बिज्याह्य

महादेवयात छह्य तांत्रिकाचार्य खना मंत्रद्वारा ताडन
तया ब्वनाहया थःगु छेक्वे चुकेतया मानेयाना पूजा-
यात । न्यन छपिसं छुनेगु इच्छादु धाबले, उत्तर
बिल छं छुनकल उगु उगु नय् धाल ।

आमोष नेगु इच्छायाना बिज्यात धका सीका
बोनाहह्यसिन सीका काल । थ्व महादेव खः धका
विचारयाना थ्व भूतरूपयात लोगु लाभा प्याज छाचा
थ्वं ऐला ला हि सहित याना बांलाक भैरवचक्रया
घासां चाहुइका भोजन सम्हे मुस्या पालु न्या ख्ये
ओ इत्यादि दोहलपा - नयागु थले चिकंइला मोहनीं
सिह्मकया मिखास अजउला बिन्तियात ।

भूतरूप कया बिज्याह्य महादेव ले ताया छंगु
ज्या सफल ज्वीमा पीठसेवाया धया अनसं अन्तरगत
जुयावन । तंत्रमंत्र डाकिनी बोकसि बिद्याया ज्या
सिद्धि लाय्त पीठेवना पूजायावनीगुनं चलन जुल ।

छम्ह तांत्रिकाचार्य गुरू थः शिष्ययात थुगु
खे कना धाल । हे शिष्य शंकर (महादेव) खुसि

याय्त फारफुकि बिद्याया पद सिद्धि देकेत इमशान-
चक्र भैरवगण पीठचक्रया स्थानेवना पीठसेवा याना
पूजायाय्मा ।

भूत प्रेत बोकसि धापि डाकिनीत ग्याना बिस्यू-
वनि । भूत चतुर्दशी चरे खुन्हु लुकुमहादेव पूजायाय्गु
थिति रात्रि पूजा अद्यापि गुलिसियां चलन जुया
चवन तिनि । ० ।

अश्वयात्रा सलब्बाकेगु घोडाजात्रानं धाइ

महाकालतंत्रे शिव बचन

फालगुणस्य अभावास्यां महापूजां समाचरेत् ।

अश्व धावनकं कुर्या द्यात्रां करोति मानवः । ४३ ।

शत्रुनाशं महापुण्य मश्वप्रचरणेनतु ।

प्रक्षेपनंच सिन्धूरं व्याधिदुःखं निवारयेत् । ४४ ।

अर्थ

चिल्लागा फालगुण कृष्णया अमाइखुन्हु भैरव
पीठ महाकाल पूजायाये । सिन्धूर जात्रा याना

सलयातनं पूजायाये । लिपा सलगया ब्वाकेगु सल-
जात्रा बाँलाइ । शत्रुया भय मदै । रोग दुःख
निवारण ज्वी धयातल । ० ।

-०००-

(६) चैत्रमास क्रियारंभ, रामनवमी गार्गतन्त्रे कृष्ण
बचन प्रमाण

चैत्रशुक्लेच ह्यष्टम्यां मातृका पूजये द्विधिः ।

रामजन्म नवम्यांच पूजनं बांछितं फलम् । ४५ ।

अर्थ

चौलाथ्व चैत्रशुक्लया अष्टमी तिथि खुन्हु निश्चय
याना अष्टमातृका अष्टभैरवपि विधि पूर्वकं पूजा-
याये । वयां कन्हैखुन्हु नवमी तिथि खुन्हु रामचन्द्र
जन्मजूगु शुभदिन जुया रामनवमी धका धैतल ।
थ्व दिने रामचन्द्रयात पूजायात धासा मनोरथ
कार्य सफलज्वी ।

-०००-

ये कनकचैत्य विहार जनबाहाले बिज्याका तम्ह
आर्य्यवलोकितेश्वर करुणामय मूर्ति जात्रा
याखँ - बृ. स्वायंभू पुराणे बुद्धोपदेश

चैत्रशुक्लस्य चाष्टम्यां श्रीमंजु पट्टनेपुरे ।
यमलोकेश्वरोनाथ रथजात्रा भविष्यति ।४६।
प्रतिवर्षेच तज्जात्रा विशेष पुण्यदो भवेत् ।
लोकनाथ प्रभावाच्च शुभिक्षं भविष्यति ।४७।

अर्थ

चउलाथ्व चैत्रशुक्लया अष्टमी शुभदिने श्रीमंजु-
पट्टन नाम येदेशे देदेशं आर्य्यवलोकितेश्वर करु-
णामय (यमराज लोकेश्वर) नाथ जुया बिज्याहा-
या मूर्ति रथयात्राज्वी । थुगुपुण्यं विशेष सुखोदय
प्राप्त जुया देशे राजा सकलया महामंगल ज्वीगुखः ।
लोकनाथया प्रभावं देशे शुभिक्षज्वी ।

-०००-

(७) बैशाखमास क्रियारंभ खायूसन्हूया खँ ।

क्वातित्वनेगु प्रमाण लोकनाथ बचन

मेघेसूर्यगते बारे निम्बपत्रादि संयुक्तम् ।

क्वाथं पिवेद्यथा मर्त्या सर्वरोगो विनश्यति ।४८।

अर्थ

मेषराशिस सूर्यग्रह चवनीगु सन्हू दिनयात मेष संक्रान्ति धाइ बैशाखमास क्यनिगु सन्हूखः । थ्व खुन्हू खायुसन्हू धका क्वाति दाय्का त्वनेगु थिति दु । क्वातिया भाग च्याता दु सोके बहजु । १ लैसी, २ लैसुखु, ३ कछि, ४ इमू, ५ अजमू, ६ जी, ७ मले, ८ नोह । । विशेष छ्यः नापं गुता दै - थथे भाग संयोग क्वाथ (क्वाति) त्वनागुलि दछितक प्वायारोग क्वमी यागु विकार इत्यादि शमनजुया केवल निरोगी ज्वी । नोह दुगुलि क्वाति खाइया खायूसन्हू नाम अद्यापि धयातल । ० ।

-०००-

नेपाल ललितपुरस बैशाखशुक्र प्रतिपदाया दिने रथे लोकेश्वर करुणामय बिज्याका जात्रा मानेयागु

खँ वंशावलीया प्रमाण थथ्ये दु

अतीत कलि वर्षेषु सून्य द्वंद्व रसाग्निषु ।

नेपाले बिजय श्रीमान् आर्यावलोकितेश्वरः ।४९।

अर्थ

(३६००) स्वदोब खुस दँ - कलिया वर्ष
थ्यंजले श्रीमान् आर्यावलो कितेश्वर, सृष्टिकर्ता
लोकेश्वर लोकनाथ करुणामय, यक्षलोक कामुनी
क्षत्रे जन्मजुया च्वंपि यक्षगण पित्त उद्धार याय्गु
कारणे अनजन्मजुया बिज्याह्य नेपालदेशे बिज्या-
कागु खः धका श्री शान्तिकराचार्य गुरुया प्रधान
शिष्य - येंदेशया मुख्यह्यगुरु उगु बखतया श्रीबन्धुदत्त
वज्राचार्य रचनायाना बिज्यागु श्लोक खः ।

रथ देकूगु प्रमाण सीकेतनं बंगद्यो नेपाले हःगु
णं वंशावली सफु पिहांवगुलि पूर्णरूपं खँ दु ।

करुणामय रथे बिज्याकूगु खँया श्लोक

नेपाले ललिते तिथौ प्रतिपदां बैशाख शुक्ले दिने ।

श्रीलोकेश्वर देवरंम्य सुरथेदृष्ट्वा बिरानंततः । ५० ।

ते देवेऽसुर मानुषाश्च भुजगाः कुर्वन्तियात्रां तदा ।

दाक्षिणे अमरापुरे दिशिगतं दिन्घादिकं शान्तयेत् । ५१ ।

अर्थ

बैशाख शुक्ल (वच्छलाश्व) सुदिया प्रतिपदा तिथिखुन्हु यले श्रीलोकेश्वर करुणामय, सुलक्षणगु त्रयोदश (१३) भुवनया प्रमाणं देकूगु रथे बिज्या-कल ।

अनंलि देव मनुष्य दैत्य नागादि पिसं खना सकलेंबया विधि क्रमं पूजादियाना देवलोक पिसं जवे दैत्यलोक पिसं खवे रथया जंगल उदना मनुष्य लोक पिसं न्ह्योने खिपज्वना साला, ऋषिश्वरादि शन्धर्व किल्लर पिसं धूपथना पंखा च्वामोलं गायका हानं म्येम्येपिसं बाजाथाका प्याखंहुया नानाप्रकारं मङ्गलोत्सवयाना जात्राजुल ।

सालायंका पूचे खड्ग योगिनी थाहां वनेगु न्ह्योने
ने रथदिका सोन्हुतक अनसंतया, अक्षयतृतिया दिने
गुये गौदान (सादान) मिश्र ब्राह्मण्या सन्तान
यका इपिवहि विहारया संघलपिन्त बीगु । । गौ-
दान यागु कारण रथयात्रा निर्विघ्नं सिधेमा पापित
नेतरणीनदी, हिथ्ये ह्यांगु क्वागु लखं पूर्णगु खुसि
आनन्दं पारतरे याय्फेमा । अथवा उजागु नदी पार
तरे याय्स्वाक याउंसे यमराज दर्शन याय्देमा धैगु
निमित्तेखः ।

वयां कन्हे चतुर्थी दिने सालायंका गावाहातोले
रथ दिका अनया तोलपिनि कन्हे पंचमी दिने
जात्रा मानेयाना उत्सव याइ । उगु थासं सालायंका
पंचमी वा षष्ठी निन्हु विका लुंहिति न्ह्योने नुग
तोले रथ दिका अनया तोल पिनि सप्तमी दिने
जात्रा मानेयाइ ।

अनंलिपा अष्टमी नवमी दिने रथसालायंका
गंगुपले अर्जुन वृक्ष (क्वको सिमा) स चवना

यक्षगणपि थः जन्मजुया वयागु थाय्या माँ चवना
सोया चवंगुलि निचा वा सोचा सिमा चाहुइका रथ
अनसं दिकी ।

एकादशी तिथिछन्हु तोता म्येगु तिथि द्वादशी
त्रयोदशी या रात्रिस यक्ष भूत प्रेत पिसाच राक्षस
— भैरव मातृका गण पित संतोष याय्केगु निम्ति
अनवलि पूजायाना बिघ्न निवारण याइ । बयां कन्हे
जात्रा मानेयाय् वाकिपि फुकसिया लगंजात्रा भुजया
मानेयाइ ।

-०००-

बैशाखपुन्ही (स्वांवागागु) जुया स्वांयापुन्ही
बच्छालापुन्हीया दिने मंगलकार्य येँ यले खप्पे वहि
बिहारे तोले उत्सव ज्वीगुदु ।

प्रमाण ललित बिस्तरे दु

बैशाखे पौर्णमास्यां वै महात्सवं च कारयेत् ।

द्रव्यान् तिल होमादि प्रदानं च प्रपाठकः । ५२ ।

अर्थ

बैशाखपुन्ही स्वाँ बागागु पुन्ही सीके - बुद्ध
ज्वोम्ह बोधिसत्व जन्म जुया बिज्यागुखः बुद्धजन्म
दिन धका लोके प्रसिद्ध दु । बैशाखपुन्ही बुद्धजन्म
दिन बोधिज्ञान लांगु निर्वाण प्राप्त यागु स्वंगु चूलागु
पर्वकाल उत्तम दिन धका लोके प्रचार जुया च्वंगु
खः ।

लुम्बिनी उफाने बुद्ध ज्वोम्ह बोधिसत्व सर्वार्थ
सिद्ध जन्म जूबले माँम्ह मायादेवीं बःकागु
(ज्वंगु) सिमाया नाम संस्कृतं प्लक्षबृक्ष नेपाल
भाषा पिला सिमा नेपाली भाषा पाखरिरूख
धाइ ।

बोधिसत्व बोधिगयास तपयाना बिज्याबले च्वंगु
सिमा संस्कृतं बोधिबृक्ष, नेपाल भाषा वंगलसिमा,
नेपाली भाषा पिपलरूख । निर्वाण जूगु कुसिनगरे
सिमाया नाम संस्कृतं शालबृक्ष, नेपाल भाषा शाल

सिमा (सिन्ता), नेपाली भाषा शालधूप रूख
धाइ । ० ।

भक्तपुर (खप) देशे सकभनं जात्रामाने याइगु
दु । बैशाख कयनीगु सँन्हु खुन्हु खपदेशे विश्व-
ध्वजोत्थान यःसिं थनीगु जात्रा, मध्यपुर (थ्यमी)
देशे ३२ खते विविध प्रकारया देव देवीपिं तथा
देशे परिक्रमयाना जात्रा मानेयाइगु दु । देशोपद्रव
शमनजुया रक्षा ज्वीगु निमित्ते उत्सपयागु खः । ० ।

-०००-

(८) ज्येष्ठमास क्रियारंभ । सिथिनख मानेयाइगु
खँ ।

राजमार्तण्ड तंत्रे शिवबचन प्रमाण

ज्येष्ठे मासे शितेपक्षे षष्ठी रावण संजित्ता ।

भूयौच गोमये नैव लेपये तत्र मण्डलम् । ५३ ।

पंचो पचार भावेन कुमार जन्म पूजितं ।

लिखित्वा चाष्टपत्रंच व्यंजनैः पूषकादिभिः । ५४ ।

अर्थ

ज्येष्ठशुक्ल तच्छलाथ्व षष्ठी दिन खुन्हु राम-
चन्द्र रावणनाथ युद्धयाना त्याकूगु दिनजुया ऋषि
मुनि पिसं राम संजिता षष्ठी धयातल । रामचन्द्र
यात पूजायाय्गु ।

हानं पार्वती देवीनं कुमार पुत्रजन्मयागु दिनजुया
कुमार षष्ठी धैतल । थ्व दिने पृथिवी कम्पजुया
तःसकं सन । पृथिवि मातादेवी स्वरूपं पूजायाय्त्
पंचोपचार विधि भावयाये । वंगलसिह न्याहले सिंह
जजंका स्वाँ दक्षिणा तथा कुमार लुमंका पूजायाय्गु ।
पृथिविस गोमयंचाकलाक इला च्याता व्यंजन(घासा)
व पूषक (ओ) तथा भोजन छाया थःपिनितं नयेगु
गृहे बिघ्नोपद्रव शान्तजुया मङ्गल उवी । ० ।

फसं हिलोगु फे हुलि धागुखँ प्रमाण

पत्रेच लिखितं मूर्ति वंशपत्रं नियोजयेत् ।

वंशंतु स्वस्तिकाकारं दण्डित त्स्थापये द्वधैः । ५५ ।

तस्यैव भ्रमणा द्रोषं नश्यते नात्र संशयः ।

पारस्य बिनाशाय चैवकुर्या द्विचक्षणः ।५६।

अर्थ

सिथिनखःया दिने आरंभयाय्गु अष्टमङ्गल
मूर्ति च्याहले च्याकुं ल्बीका भोतेचवया पंयाकथिस
स्वस्ति बिल्लयागु आकारं देका मिलेयाये । छेंया
फुसे (च्वे) तेगु णसंहिला च्वनि । गुलि चाहुल
उलि शुभज्जी । छें बज्जमलया भय दैमखु । ज्येष्ठ
मास पर्यन्त फेहुलि सौकेगु थथ्ये शुभज्जी थ्व
विचक्षण यागु बचनखः धयातल । छुंशंखा मदु । ० ।

दशहरा काशिखण्ड पुराणे ब्रम्हबचन प्रमाण

ज्येष्ठशुक्ल दशम्पांतु भवे द्वोमदिनं यदि ।

ज्ञेया हस्मार्थ संयुक्त सर्वपाप हरातिथिः ।५७।

पारासीनव भूछत्र फलानि कर्कटि तथा ।

स्वयंच भक्षणं कुर्यात् परेभ्यो दापयेत्पुनः ।५८।

अर्थ

ज्येष्ठशुक्ल दशमी तिथिया दिनयात दशहरा
धाइ । श्वदिने हस्तानक्षत्रं युक्तज्वी । श्वदिने होम-
कर्म गणेश कुमार महाकाल पूजायाना न्हूगुफकं,
वांगु मलता, तुसि, अँ, फलमूलादि छाया अन्नद्रव्य
दानयाना थः पिनिनं नये । दछिया अजीर्ण प्वाया
रोग ज्वीमखु । व्यापाद याइपिनि भीज्वी । ० ।

-०००-

(९) आषाढमास क्रियारंभ थय्ये दु - गथांमुग चरे
रुद्रयामल तंत्रे-शिववचन प्रमाण

आषाढ कृष्ण भूतायां घण्टाकर्णख्य नामक ।

धमनस्यच्च सूर्तिश्च स्थापयेच्च चतुष्पथि । ५९।

तदंगं गृह्यते तत्र सर्वदुःख निवारणं ।

तन्मूर्ति निक्षिपे क्षीरे भस्मंचापि प्रक्षारयेत् । ६०।

अर्थ

आषाढ कृष्ण दिलागा बदि - चतुर्दशी (चरे)
वयनीगु दिनयात घण्टाकर्ण भूतचतुर्दशी धाइ । श्व

दिने पँया अथवा तिया न्हेपनं धाइ । छ्वालियागु-
नंज्यु । न्हेपां ताहाकम्ह दैत्यया मूर्तिदेका प्याकालें
थनातेगु । थवैगु मूर्तिया अंग बहनी चिना सालायंका
देशंपिने तया छ्वालि प्वाया मि पुका भस्मयाना
नदिस वाँछोया वीगु । दछितक देशे छें शत्रुया भय
शयनज्जी । थव खँ छुं भतिजा थथ्ये दु ।

मनुत स्याना नयेधका न्हापा घण्टाकर्ण नाम
दैत्य बबले व्याँछम्हसिनं भुतुनाले बोनायंका थाहां
वहेमकेकाबिल । मनुतेसंसीका थव दैत्ययात ज्वना-
हया चिना प्यकालें थना दाया मिपुका शास्तिराना
न्हिछितक व्यइत्जत् याय् धुंका स्याना लुयायंका
नदिस भस्मयाना वाँछोया बिल । थवहे थितिया
प्रमाणं पंयाम्ह देका देशे प्यकालें स्वाना घण्टाकर्ण
दैत्य धका लुमंका मानेयाना च्वंगु खः धयातल ।

-०००-

(१०) भावण गूलामास क्रियारंभ थथ्ये दु - नाग
पञ्चमी गारुड तंत्रे प्रमाण, हरिबचन

श्रावणमास पञ्चम्यां शुक्लपक्षे नराधिपाः ।

द्वारस्योपरि तोरेवा गोमयेय विधेन तु । ६१।

श्रावण शुक्ल पञ्चम्यां बरुणाय प्रपूजयेत् ।

नश्यन्ति नाग दोषं च सुवर्द्धिश्च भविष्यति । ६२।

अर्थ

गूनाथ श्रावणमास शुक्लपक्षया पञ्चमी तिथि
यात नाग पञ्चमी धाइ । श्वदिने मुख्यपि मनुतेसं
याइगु खः । थःगु छेंया लुखाफुसे नाग मूर्ति चवया
वा चवयातगु भों कायते गोमय (साङ्गिनं) इला
ग्वेप्येपुंका बरुण नाग स्वरूपं पूजा याना बीगु ।
उगुछें नागया दोष दछितक दैमखुः बुद्धिनं दुपि
ज्वी । ० ।

यले पञ्चदान (पंचदान धाइपिनं दु)

पिण्डपात्रावदाने बुद्धोपदेश प्रमाण

श्रावणशुक्ल चाष्टम्यां पिण्डपात्र प्रदानकः ।

दीपंकराय दानाद्वै सर्वानन्द नृपेण च । ६३।

अर्थ

श्रावणशुक्ल गूलाश्वया अष्टमी दिनयात पंजा-
 ष्टमी धाइ । पञ्चया महत्त्र सीके । पंनाम पृथिवी
 जायते इति पंजः । पंधागु पृथिवीसजधागु बुयादगु
 दान बीगु शुभ ज्वीगु दिन अष्टमी (पंजाष्टमी)
 ज्वी । पञ्चाष्टमी अर्थमलो अशुद्धज्वी ।

पंजाष्टमी श्व शुभ अष्टमी दिनस ह्यापा ह्यापा
 त्रेतायुगे दीपंकर तथागतयात निश्चययाना सर्वानन्द
 जुजुं पिण्डपात्रे अन्न क्षीर तथा दानयाना वन । ० ।

पिण्डपात्र दान वाक्य दीपंकर बुद्धं बोनाविज्यागु
 सौवर्ण रूप विविध धातुज मृन्मयंवा

शाल्योदनैः सुपरिपूर्ण सुपिण्डपात्रम् ।

भक्त्या ददन्ति सततं जिन साधिकेभ्यः

स्पात्तस्य पुण्य मसमं फल सप्रमेयम् । ६४।

अर्थ

गूलाश्व श्रावण शुक्लाष्टमी (पंजाष्टमी) खुन्हु
 शुभ दिने सुवर्ण रूप (लुं वह) म्येगु अनेक धातु

बस्तु अथवा चायागु जूतानं पिण्डपात्र थले भिगु
जाकि अन्न पाकयानागु दुरुजा (क्षीर पापस) पूर्ण
यानातयागु बुद्ध व बुद्धसंघ पित्त सुसु भक्तिजन
पिसं दान याइ । थुमित थुक्रिया पुण्य आपालं प्राप्त
ज्वीगु दु थुलिहे धका प्रमाण वीगु थाकुज्वी । ० ।

बुद्धं आशीर्वाद बिया बिज्यागु वाक्य

आयुर्बृद्धि यशोबृद्धि बृद्धिप्रज्ञा सुखस्तथा ।

आरोग्य धन सन्तानः सन्तुते सप्तबृद्धयः । ६५ ।

अर्थ

१. आयुर्बृद्धि - आपालं स्वाय्गु आयुबढे ज्वीमा
२. यशोबृद्धि - यश कीर्ति नाँ सकभनं भिगु ज्वीमा
३. बृद्धिप्रज्ञा - आपालं भिगु ज्ञान बढे ज्वीमा
४. तथावर्थ्ये - सुख ऐश्वर्य आपालं बढे ज्वीमा
५. आरोग्य - रोग गुबलें भजुया निरोगि ज्वीमा
६. सन्तान - सुपुत्र सुपुत्रीपि सन्तान प्राप्त ज्वीमा
७. सन्तुते सप्त बृद्धयः - थुजागु न्हेता बढे ज्वीमा

दीपंकर तथागत (बुद्ध) वसपोलया शिष्यगण
 भिक्षु पित्त सर्जानन्द जुजुया निवास स्थान (यल
 गुइत तोल) गुतजागु थःगुछें चवना सुप्रशन्न शील
 नाम विहार अनसं देका उगुथासे जुजु बिज्याना
 निमंत्रणा बिया बिज्याका दानबिया बिज्यागु शास्त्रे
 उल्लेख दु । ० ।

लिपा अनहे तोले च्वंह्य ब्रह्मचारी विवाह मजू-
 न्ह्य' याकमिसा थकुंमती नाम शाक्यनी छह्य दु ।
 वं नित्य शीलकया नैह्य बुद्ध भक्ती छह्य सिनं श्रावण
 शुक्लया अष्टमी दिने दीपंकर तथागतयात छोयागु
 क्षोरफाक याता पिण्डपात्रे पूर्ण ज्वीक तया दान
 यातावन । थ्व ब्रह्मचारी मिसां देदसं दानबीत
 थःगु सर्वस्व अर्पणयाना गुठि देका त्यागयाना वन ।

वैगु मूर्ति शालीक अद्यापि अन गुइत बिहारे
 गुंनावले अष्टमी नित्तें बाछितक प्रदर्शनी कयना तैगु
 थिलिनं अद्यापितक दनि । ० ।

श्रावण पुन्हो गूला गुनुपुन्हो धाइ ललित बिस्तरे
बुद्धोपदेश प्रमाण

श्रावणे पौर्णमास्यां वै काशरागान् बिनिर्जयत् ।

परेद्यु दिवसे प्रातः स्कन्धनारादयोऽपिच । ६६।

तं मुनीन्द्र महासत्त्वं भगवन्तं तथागतं ।

नभकृष्ण द्वितीयायां तैः सर्वैः समपूजयन् । ६७।

अर्थ

गूला श्रावणपुन्हो गुन्हु पुन्होनिं धाइ थ्व खुन्हु
दिनया सुथे सर्वार्थ सिद्ध बोधिसत्त्व बोधिमण्डप स्थाने
वंगल सिमाया क्वे क्वातुक बज्रासनं बिज्याना तप
याना बिज्यात्रले तपयागु धर्म सहाय्यमफेका अनवया
दनाहुं धावह्य काममारयात त्याका ऋषिबलया
ज्ञान प्राप्त यागु दिन । । थ्वहे दिने घमपुरे धर्म-
याना वपित उत्तरगु द्वाखां दुक्या जटाधारि षडक्षरि
लोकेश्वरया रूपजुया यमराजां दर्शन बिया बिज्याइगु
थ्वखँ धातुतेजा वदानेदु । अथ्येया निमित्त थ्व खुन्हु
दिने बृहो वीवहःया क्वातित्वना बिहारे वोयातैगु

बुद्धमूर्ति यमराजाया खँ चवयातगु प्रतिभा पौमा
इत्जादि प्रदर्शनि क्यनातेगु सोवनेगु थिति अद्यापि
दनि । ० ।

वया कन्हे परिवा सापारू खुन्हु दिने न्हिछिया
स्कन्धमार, क्लेशमार, मृत्युमार, देवमार धापि
असंख्य मुना ऋगु दिशाकम्प ज्वीक अनेक तालया
रूपि सैन्यतेसं शस्त्रास्त्र ज्वना तिगा तिगा न्हुया
कोलाह शब्दंहाला अति भयंकर तालं दुःखदिया
खयाना थनाछोये धयावल । उगुवेलास तपयाना
बिज्याम्ह बोधिसत्व सर्वार्थ सिद्धं मार पराजय नाम
समाधि योग ध्यानयाना बिज्यात ।

प्रमाण

मार पराजयो नाम समाधि बिदवेत्तदा । इत्यादि ।

अर्थ

तपधारिया छ्वाख्यलं चवना दनाहुं मयनकि छंगु
शरीर चूर्ण याय्त्थल काः छुः धया नानाप्रकारं

हाला च्वंगुइले तपधारिया जवं बज्रवीर महांकाल
 प्रमूखं ख्वं दशक्रोध धापि १. यमान्तक २. प्रज्ञान्तक
 ३. पश्चान्तक ४. बिष्टनान्तक ५. अचलान्तक ६. तकि-
 राज ७. नीलदण्ड ८. महाबल ९. उष्णीषचक्र
 १०. शुंभराज धापि किम्ह मिया ज्वाला श्वास
 पिरुया ल्लाति बज्र खड्ग धरेयाना पर्वत कम्प
 ज्वीक तः तः सकं काज्वं काचु धका हाला तिगा
 तिगा न्हुया बज्र खड्ग होका पिहांवबले थुं मार
 तथा सैन्यगण वि ग्याना सिंहखना धों बथान बिस्तू-
 वनीथ्यें सकलें बिस्तूवन ।

बोधिसत्त्व तपधारियात जिपि दु छपि ग्याय्म्वा
 थःगु ज्या सरुलयाना बिज्याहुं धया प्रणामयाना
 थः थःगु थासे सकलें लिहांबिज्यात ।

अनंलि छुं लिपाहानं मार नेता नमूचिमार धंम्ह
 थःहे वया छ आमथ्ये तपयाना च्वनागुया साछि
 सुदु धावले - तपधारि बोधिसत्त्वं ध्यानमुद्रा यानागु
 जगुल्लाःतीं जक ववतहया पुलि ववे पृथिवी थिया-

कयन । थुगुबखते पृथिवीमाता पिहाँ विज्याना जि
साछि दु धका पृथिवी धिया भूस्पर्श मुद्रा याना-
कयन । वसरोल या जगतो हिताय सुखाय शान्ति
कामनाया ज्यासफल मज्जीकं दनीमखुः नोःवाइनं
मखुः गनं मिखाँ सोइनं मखुः । हे धर्मविघ्नकमार
छ थगु थासे हुं छु हाला चवनागु — हानं भयंकरपि
पिहाँवया छन्त चिनातै याकनं लिहाँहुंधया तपधारि
यात प्रणामयाना पृथिवीमातो लिहाँवन ।

नमूचिभारनं ग्याता लिहाँवना दुःखमन ज्वीका
ह्लकुतिषा चवन । वया म्हाय्पि - मोहिनी, तृष्णा,
रजसा धापि सुन्दरीरूप अप्सरापि सोमहसिनं अबुयात
तवह बिया जिनिबना व वोधिसत्वयात तपभंग याना
वी छुं धन्दा काय्म्वा धया अनर्थक वया लाजसरम
तोता म्पेहाला प्याखहुया वीणा याना योयोथ्येसना
जिगींसोया बिज्याहुं भो स्वामी धका बेश्या स्वभावं
हाला चवन ।

उगु बखते थुमिगु सुन्दरीरूप लिक्का आकाशे
छोयाबिल । थुपि स्वम्हं नकीजुया बुढीया रूप

जुल । थिति थिति ख्वास्वया खोया लिपा तपधारि
याके माकि कोना बिनितयात ।

करुगातया आकाशे च्वंगु सुन्दरीरूप इमिगु
शरीरे लोनजुया ह्लापा थ्ये सुन्दरीरूप जुस्येलि
त्राहि ज्वोका प्रणामयाना स्वम्हं लिहावना अबुयात
फुठ खँरुना थ्वेगुहे शरणवना भीज्वी धया अबुयात
बोधयात वयां कहेबुन्हु श्रावण कृष्ण द्वितीया दिनया
प्रातः समये नमुचिमारया गणपि सकलें वया पूजा-
याना छजपोल त्यात जिमिमार मत्या धया प्रणाम
याना लिहांवन । ० ।

थुनामि मारगगयात त्याका विज्यागु दिन
श्रावण कृष्णया द्वितीया दिन खुन्हु मत्या धैगुनाम
प्रख्यात जुल । मतत्रिया पूजायागुलि मत्या मारबल
होन जूगुलि मत्या पूजा अद्यापि यलदेशे बिहार
पत्तिकं प्रदक्षिणा याय्गु थितिदया चवन । ० ।

गूला धर्मारिंभ श्रावण शुक्ल प्रतिपदाया चाह्ल
निसें चयान्हुया रात्रिया प्रहरे न्यकूपुया बाजाथाना

बिहार पत्तिकं बुद्धर्तुति दर्शनार्चन निमित्ते बोकी
वनेगु धका भ्रनग ज्वोगु थिति दु छुकारणे सीकेगु
थथ्ये खः ।

कलिया वर्ष छगु लाख थपनीबले संसार प्रलये
ज्वीत गुँलामासे अति जल वृष्टिजुया च्वनि रात्रिस
मद्यंसे बुद्धनाम त्रिरत्न स्मरणयाना न्यकूपुया बुद्धा-
लय प्रदक्षिगायात धासा संसार प्रलये ज्वीगु
उज्यांत्रना तायाइधैगु प्रमाणनुसारं रात्रिस बोकी
वनेगुनं यलदेशे अद्यापिजुया च्वन ।

-०००-

हानं न्यकूपुइमागु खँ चैत्य पुंगवा वदाने दु
थन संक्षिप्तमात्र चवया

प्राचिनकाले शशिपट्टन नाम देशे शृङ्गकेतु नाम
राजां त्रिरत्न नामोच्चारण याना न्यकूपुया चैत्य
देवालये चाहुला भक्तियागु गुँलामास ।

थुकीयाकारण थथ्ये दु व देशे छह्य व्याधां
 न्हिन्ह बनेबना चला बखुं चखुं स्यानाहया गुलि
 मिया गुलि थमं नित्य सद्यमांसाहारे भुलेजुया चवन ।
 थ्वया कला धर्मचारी जुया चवंह्य सिनं बारंबार थ्व
 हिंसाकर्म पाप याय्मते घासानं खँ मन्य छन्हु रोगं
 कया व्याधा मृत्युजुल ।

कलाम्ह स्वामीया हिंसायागु पाप मदेकेत
 स्वामी नापं सत्यवन । छुं लिपा वहे देशे छम्ह
 ब्राम्हणया छें सत्य वंम्ह धर्मचारी व्याधाया कला
 ब्राम्हणीया गर्भ जन्म जूवल पुत्रीजुया । वहेछें
 उखुन्हु श्राम्हणया लहिना तम्ह म्पेयानं मचाबुल
 मिजंम्हम्ये ।

थुपिनिम्हं तधिक जूबले सत्यवंगु पुण्यं पूर्वजन्म-
 या खँ लुमना ल्लापाया जन्मे जि स्वामी जुया चवंम्ह
 थ्व म्पेखः धका सीका व म्पेथमं फोवंबले बनेलावन
 लःतोंवंम्ह म्पे धुंखना स्याना लानया ववें तोताथकूगु
 ब्राम्हणीनं खना याकनं मनुष्य जन्म ज्वीमा धया

उगुक्कें फुकं गर्भेतया फितोपुया वहेथासे चैत्यदेका
जगु न्यकू गजूतया खगुन्यकूति लः अर्घबिया पूजा-
याना स्वीन्हु (३०) दिनतक त्रिरत्न नामोच्चारण
न्यकूपुया उगु चैत्य सेवायात । स्वीछन्हु (३१)
दिनया सुवे पूजायुंका न्यकूपुया चैत्य प्रदक्षिणाया
बले न्यकुति दिव्यसुन्दरम्ह पुरुषरूप बालक जुया
मिहांबल छुलिपा तःधिक जुया उगु थासे निम्ह-
निया पूर्वजन्मया खँ लुमना छंगु बुद्धि व पुण्यया
प्रभावं जि व्याधा पापि सिना म्ये जन्म जुँल ।
धुं स्याम्हम्ये आः शृङ्गभेडी (न्यकूपुया) त्रिरत्न
नामकया चैत्य सेवा यागु प्रभावं वहे न्यकुति जि
जन्मजुल । छ थंय थया खँल्लाना निम्ह स्त्री पुरुषया
विवाह जुल ।

वदेशे जुजु स्वर्गवास जुल, सकलयागु अनुमति
पाख्ये वहे न्यकुति जन्म जूम्ह यात जुजु थापना
याना शृङ्गकेतुराजा नाम छुना शशिनट्टन देशे मंगल
यात । वहे शृङ्गकेतु राजां उगु न्यकूपुया चैत्यालय

चाहुला गूलामासे त्रिरत्न शरण धका उच्चारण
याय्गु ज्या तोमफोक चैत्यसेवा यागु पुण्यं जगु देशे
भयंकर महामारी अनेक रोगादिलं शमन जुया सुख
जुल । स्त्रीया धर्मं पापिम्ह पुरुष लिपा सुखजुल
धंगु सकसिन सीकल ।

श्वहेखँ विद्वान्गुरु पाख्ये सीका च्चम्ह करुणा-
मय भक्तिदुम्ह श्री सिद्धिनर सिंह मल्ल जुजुं उजागु
भयंकर महामारी रोगादि दुःख मज्जवीकेत गुठिया
बन्देज देका यलेशे फिगुतोलं देदशं गूलामासे नव-
बाजा थाका न्यकूपुद्गु जात्राया रूपे चैत्यालय सेवा
मतया खुम्हु दिने पालाया थःगु तोलं निसें आरंभ
याना वना सृष्टिकर्ता लोकेश्वर करुणामय मूर्ति
सहितगु लुंछालं कवसोया सोया बिज्याइम्ह सिद्धि-
नरसिंह मल्ल जुजुया छेक्वे चवना नवबाजा सहित
(३२) प्रकारया ग्वारा बोलि थाना मानेयाय्मागु
थिति नेपाल सम्बत् ७५८ सवन्देज यानावंगु अद्या-
पितकं प्रचलित जुयाच्चंगु सकसिनं छनाच्चंगु दु । १०।

अनेक बाजा थाय्गु पुइगु नृत्य गीत छँ शरीरे शृङ्गार
 याय्गु सिल्लतीगु स्वांमा कवखाय्गु इत्यादि मङ्गल
 कार्य फुकं बज्रयानान्तर तंत्रचर्य्य सहजयान खः । ।
 थ्वखँ गुणकारण्ड व्यूह सुत्रे तथा म्येगु ग्रन्थेनं दु ।

-०००-

ह्लापाया समये विद्याधर, गन्धर्व, किन्नर, महो-
 रग, अप्सरादिपिं स्वर्गलोकं क्वहांवया मर्त्यलोके
 मनुष्यरूप कया स्वयंभू चैत्य विहार अनेक मन्दिर
 देवालये प्रदक्षिणायाना पूजादि धुंका थुमिसं नव
 बाजाथाना पुया म्येहाला नृत्य गीत अनेक कचना
 मङ्गलोत्सव ज्वीगु क्रिया मर्त्यलोके मनुष्य पिन्न
 स्यना कना देशोपद्रव शमन जुया शान्ति ज्वीगु
 बज्रयान भजन प्रकाशयाना लिपा थःपिगु थासे
 लिहांवन । उजागु स्वर्गलोक यागु क्रिया मर्त्यलोकेनं
 प्रचार जुल धंगु प्रमाण दु । ० ।

हानं सापारूया छुं भतीचा खँ थथ्येदु

मथुरा शहरे जन्मजुया बिज्याम्ह पराक्रमि श्री
कृष्ण छन्हु यैपुस्ये सुन्दरगु गोकुले कामधेनु सा को
बिज्यागु दिन श्रावण कृष्ण (गूलागा, वदि) प्रति
पदा तिथि खुन्हु जुया सापाख धयातल । श्वखुन्हु
मङ्गल कार्य भोजुइगु ज्या सीका मूलगु मार्गे (लें)
कृष्ण भगवान् नामकया पूजादि भक्तियाइपिन्त दर्शन
बोया निमित्ते कृष्णमूर्ति कयना भ्रमणयाय्गुनं
अद्यापि प्रख्यात जुया च्वन । ० ।

हानं अकर्तव्य अन्याय ज्यायाइपि अहंकारि
ज्ञानपाखँ ग्यनोमखुपि, मभिगु ज्यायाय्मते परयात
दुःख बोमज्यु धासा छुधयाछँ धका त्वावइपि अत्या-
चारि दैत्य नेतातेत संहार यागु, बिष्णु नरसिंहा
वतार जुया हिरण्यकश्यपु (नाम दैत्य) यात मर्थन
यागु लिला यले मङ्गलबजारे दपुलि कार्तिक शुक्लया
त्रयोदशी खुन्हु बहनी रात्रिया प्रहरे देदसं कयनीगु
थितिदु, श्वनं तिव्हिनरसिंह मल्लजुजुया कीर्ति धैतल ।
श्वहे लिलाया छँ श्वीकेत श्रावण कृष्णया चतुर्थी

दिने मूलगुलें नरसिंह देवं दैत्य मर्थन यागु क्यनेत
दैत्य मूर्तिलुया नरसिंह देवमूर्ति भ्रमणयाना बिज्या-
इगु थितिनं क्यनातगु अद्यापि दु । ० ।

कृष्णाष्टमीया खँ ब्रह्मपुराणे ब्रह्मबचन

रोहिणी सहिता कृष्णा मासे नभपदेऽष्टमी ।

अर्द्धरात्रादय श्राद्धं कवलयान्व यदा भवेत् । ६८ ।

तत्र जातो जगन्नाथः कौस्तुभो हरिरीश्वरः ।

महापुण्य तमकालो तयत्याख्यो हि सस्मृतः । ६९ ।

अर्थ

राहिणी नक्षत्रं सहितगु श्रावण कृष्णया अष्टमी
क्यनीगु रात्रीया समये कृष्ण जन्म जूगु निम्ति
कृष्णाष्टमी धैतल । सप्तमी खुन्हु रात्रिस जागर
चवना कृष्णयात हरिइश्वर जन्मजुइगु धका ब्रत-
पूजादि याये । । शत्रुपिन्त जिते पाय्फया निश्रय
ज्वीका आपालं पुण्य लाभ जुया सकल सुख ज्वीमा
धैगु कामनायाना जन्मज्वो धुंकूह्य कृष्णयात अष्टमी
दिने भिन्नकं व्रत पूजादियाये । ० ।

जुगया खँ महाकाल तंत्रे प्रमाण

परमगुरु बज्रसत्त्वया बचन

नमकृष्ण त्रयोदश्यां युगादौ देव पूजनं ।

वत्राथं पिवे ततोदानं बौद्धाचाराय दीयते । ७० ।

अर्थ

श्रावण कृष्ण (गूलागा) या त्रयोदशी दिन
यात भिगु छगु युग धाइ । श्व दिनयात कलियुग
उदयजगु दिन धका सीकेगु । चैत्य त्रिरत्न दीप-
करादि बुद्ध पुन म्येपि देवतापिन्तनं पूजायाना गुन्हू-
पुन्ही बलेथ्ये वत्रातिनं त्वना उत्सवयाये । अनंलि
बुद्धया आचरणे लापि बुद्धिष्ट बज्राचार्यं भिक्षु
गृहस्थि शाक्य चैलक बुद्धाचार्य यात थुजापिन्त
दानयाये । अप्रमेय फल प्राप्तज्वी । ० ।

- ० ० ० -

अब्रुया ख्वा स्वेगु गोकर्ण राजां यानावंगु

तोर्य महात्मे प्रमाण

नभकृष्ण ह्यमा वास्यां पुत्र पुत्री समन्वितं ।

पितृयानन समालोक्य श्राद्धदानादिकं क्रमात् ।७१।

अर्थ

श्रावणकृष्ण अमाइ खुन्हु दिने काय् म्हाय्पि
मुना अबुया मुखदर्शन (ख्वा) सोया श्रद्धारूपं फुथे
नके त्वंकेयकेगु सजीव तिनिसा थथ्येयाय्गु स्वर्गवास
ज्वी धुंकुसा गोकर्णतीर्थे स्नानदान श्रद्धातया फुथ्ये
याय्गु । ० ।

-०००-

(११) चथा (तीज) ब्रह्मपुराणे ब्रह्मवचन्

तारायै रेवती पुत्र्यै अपमानं कृतं यदि ।

दक्षप्रजापति शापं श्रीगणेश तथैवच ।७२।

अर्थ

भाद्रशुक्ल (जंलाथ्व) या चतुर्थी दिन रात्रिस
चथा धका चन्द्रमां मखड्कु सुला चवनेमागु थितिदु ।
थ्वखँ सीके । दक्षप्रजापतिया पुत्री रेवती नक्षत्र

तारायात चन्द्रमा ग्रहनं अपमान यागुलि रेवतीया
 पिता दक्षप्रजापति तमोया चन्द्रमा ग्रह (जिलाजं)
 यात छं तेज हीन ज्वीमा धका आपबिल । चन्द्रमा
 ग्रहनं बिन्ति यात क्षमायाना बिज्याहुं धका नम्र
 जुस्येलि म्वाल धका माफिबिल तेजहीन मजुल थ्व
 दिन चतुर्थी चयाखुन्हु आपव्यूगु । । हानं देव-
 सभाय् लिपालाक बल धका गणेशयात चन्द्रमा
 ग्रहनं गिल्लायात । खवा सोमा गजमुख (किली-
 खवापा) स्थूलोदर म्हथात मलोगु तःगोगुप्वा शरीर
 चोधि बागचा मूषकासन तिछुंगया ज्वीह्य इत्यादि
 नानाप्रकारं तुच्छयात ।

गणेश तमोया छ बांलाह्य खः, छखँपि फुकु खुं
 ज्वीमा धका आपबिल । चन्द्रमाग्रहया दुःख जुल ।
 इन्द्रं महादेव पार्वती पित्त धया, गणेशयात थुमिसं
 बोधयाका माफिबीकल । तर आप व्यूगु दिनया
 रात्रि चथा खुन्हु जुया थ्वदिनया रात्रिस अथवा
 बहनी गणेशयात पूजायासा चन्द्रग्रहनं खंसां उगुदोष

निशारग जुया छुंज्रोमबु । पूजामयासा श्वरात्रिस
 चन्द्रमाग्रहनं खनकि खुंयाइ । थुजागु ज्याखँदया
 चथाबुन्हु चन्द्रना ग्रहनं खनी धका सुलेगु थितिजुल ।
 फलबृही छायानेगुनं चलन जुया चवन श्व थःगु
 इच्छा ज्वी । ० ।

-०००-

इन्द्रजात्रा भविष्यपुराणे

इन्द्रध्वज समुत्थाय प्रमादाच्च कृतं यदि ।

द्वादस्यांच ध्वजोत्थानं मधुकल्प पुराकृतम् । ७३ ।

एवं त्रयोदशी चैव पूजनं विधिबत् क्रमात् ।

चतुर्दश्यां महापूजा पौर्णमास्यां विसर्जयत् । ७४ ।

अर्थ

भाद्रशुक्ल (जंताथ्व) द्वादशी तिथिखुन्हु निसैं
 नामस्वरूप पताक सहित योसि बिश्वध्वज धाइ इन्द्र
 स्वरूपं पूजायाये । श्व ह्तापा मधुकल्प धाहा छम्ह
 बिद्वानं पराक्रमि पुरुषं याना प्रत्यक्ष कयनावंगु घयातल ।
 श्वहे सीका त्रयोदशी चतुर्दशी पुन्हीतकं तःचवनं बाँलाक

मतबिया पूजादि याना, हारांख्वाः द्योपि इन्द्रजात्रा
 सोर्वपि तांत्रिकाचार्य गुरुपिसं सीकाकाल, थुपि
 भैरव, महाकाल, गणेश इत्यादि पित्त ताडन तथा
 थाय् थासे बिज्याका सन्तोष सन्तोष ज्वीक भोजन
 बिया सोवपित्त सम्हेबजी दानयाना प्रशाद भापा
 थः थः पित्तनं नया कन्हे भाद्र कृष्ण प्रतिपदा खुम्हु
 बिसर्जन क्रिया सिधेका जात्रामाने याय्गु थ्वज्या
 देशोपद्रव शान्ति ज्वीगु शत्रुभय मदैगु देशे भिनीगु ।
 अगति, सीक, बायु, भूत, प्रेत, पिशाच, ख्या, कवं
 समेत्या नेदया खुसि ज्वीगु । ० ।

योसिस च्वे मतब्रीगु प्रमाण

एवं ध्वजोच्च स्थानेऽपि अन्धकारा त्प्रमुच्यते ।

भर भराय बोधाय दीपदानं प्रकल्पयेत् । ७५ ।

अर्थ

थुजागु प्रकारं सीका योसि स्वानागुयात बिश्व
 ध्वज धाड । बिश्वध्वज योसिया च्वे मतबियागुलि
 अन्धकार नरके लापि पापितेत सकभनं खनेदया

उगु दुःखँ मुक्तज्जी । । हानं उत्तर दिशाया हिमाल
 पर्वतत च्वे तपयाना चोलानं तरेमजुया च्वम्ह छम्ह
 भर भर आजु धाम्ह ऋषियात बोध ज्वीकेत (तरे-
 याय्त) दोपदान याय्गु भिगु कल्पना ज्वीगु खः
 धका प्रमाण विल । । हानं भक्तपुर (खपदेशे)
 बिश्वध्वज योसि स्वाइगु दिन बैशाखमास वयनीगु
 सन्हूखुन्हू पूजायाना जात्रा धुंका कन्हे नातुं योसि
 कोयला लिकाइगु थ्वखँ वंशावली बाँलाक दु । ० ।

गोडावरी तीर्थया म्येला गातिला व्रत

रत्नमाला वदाने बुद्धोपदेश प्रमाण

भाद्रपदे सितेपक्षे कृष्णपक्षेऽपि वासरे ।

द्वितीयायौ मुयातीर्थे स्नात्वा शुद्धम्बरावृत्ते । ७६।

ततःप्रात द्वितीयायां तीर्थे देव्यं सुगन्धिभिः ।

गुरु शिष्यैः सह लक्ष्म्या पर्वते मण्डलं क्रमात् । ७७।

गोडवरी प्रदेशेषु संशोधय त्समन्ततः ।

सिहे गुरुश्च संयुक्ते पर्वकालं विधुर्बुधैः । ७८।

अर्थ

जंलाथ्व भाद्रवमास शुक्लपक्षे अथवा कृष्णपक्षे
(जंलागा) द्वितीया तिथि खुन्हू पूर्वान्ह (दुसह)
क्रियाज्वी । तृतीया खुन्हू सुथे तीर्थे स्नान याय्
धुंका शुद्धवस्त्रं पुना सुगन्ध वस्तुयाकें सहित ज्वीका
गुरू शिष्याणि मिलेजुया बसुन्धरा (लक्ष्मी) या व्रत
चवनेगु थाय् छें पर्वते मन्दिरे विहारे तीर्थे क्रमपूर्वकं
पुनः नेपाले तःधंगु पवित्र स्थाने ह्यापा भक्तिजन
पिसं बसुन्धरा व्रतयाना चवंगु थासे बिज्याना दर्शन
बिया भ्रमणयाना बिज्यात ।

लिपाया वर्षे सिंह राशिस बृहस्पतिग्रह चवनीगु
म्येलास तःधंगु पर्वकाल गुंला वा जला मासे
ज्वीगु । थुजागु पर्वकाले पूर्वदिशाया गोडावरी पर्वत
फुसे अन्तरा पिसं बसुन्धराव्रत याना चवंगु खना अन
बसुन्धरा देवी बिज्याना दर्शन बिया बिज्यात ।
बसुन्धराबिश्राव याना बिज्यागु पूर्णकलशया असृत
लखें प्रवाह जुया भेबिया वगु उच्चपदया तीर्थ जुल ।

अनं निसैं (१२) वर्षे छक गोडावरी तीर्थे म्येला
 ज्जोगु थिति जुल धका विट्ठान् पिसं ह्लापा धयावन ।
 बसुन्धराव्रत शुक्लपक्षे वा कृष्णपक्षे भाद्र मासया
 तृतीया तिथिबुन्हु व्रतारंभ अद्यापितक प्रचलित जुया
 चवनतिनि । तिलाव्रतनं धाइ । बसुन्धरा व्रतया
 महिमा सोकेगु सूर्योदय नृप बाखँ सफु प्रकाश जुया
 च्वंगु सोत धासा बोधज्जी । बसुन्धरा व्रतया पुण्य
 जन्मजन्माक अजक्षण दारिद्रा लातालाती ज्जीमखु
 सदानं धनाद्य जुया सुखज्जी । ० ।

-०००-

(१२) मोहनी पूजा दुर्गा तंत्रे बिष्णुबचन प्रमाण

आश्विनस्यतु या शुक्ला भवेद दुर्गाष्टमी तिथि ।

मूर्तिभेदे महादेवी पूजां गृह्णाति भूतले । ७९ ।

महानबभ्यां शरदि बलिदानं नृपादयः ।

बिसजनं दशभ्यां तु कुयाद्वशारदोत्सवैः । ८० ।

अर्थ

आश्विन शुक्ल (कौलाश्वसुदि) या अष्टमी यात दुर्गाष्टमी तिथि धाइ । भैरव अष्टमातृका (दशमा विद्या) देवी पिंगु मूर्ति चत्रया अथवा देकातपि थः थः पिंगु छें वा पीठे बना मोहनी सिद्धि लाय्त पूजायाना थायं याय्गु धाइ । कन्है महा-नबमी खुन्हु बलिपूजा धका याय्गुज्वी । विजया दशमी खुन्हु खड्ग सिद्धि साय्गु विशेष राजापिसं याना बिसर्जन पूजायाय्गु खड्ग सिद्धि दै ।

ह्लापाया युगे देवासुर संग्राम घोर युद्धजुगु खँ देवीपुराणेनं दु । श्वहे खँया प्रमाणं मर्त्यलोके मोह-नीया लिला पिकयातगु धका ह्लापाया आचार्य पिसं धयावंगु दु । श्व ज्या याय्त शुक्ल पक्षया प्रतिपदां निसैं नलास्वाँ पिना मोहनी पूजा आरं-भज्वी । । यजे प्रतिपदांनिसैं अष्टमातृकाष्टं भैरव गण नृत्यवत्तका लीन गँ प्याखँ दशमी दिन तरु मूलचुके हुइकेमागु नं प्रथा दु । श्व प्याखँ श्रीनिवास

मल्लजुजुं (७८४) नेपाल सम्बतस आरंभयाना वंगु
वंशावली चोयातगु दु ।

पोठ भैरवचक्रे लागु अनेक व्यवहार पूजाया
पञ्चबलि कर्मस प्रयोग याय्गु सीके - १. पालु
२. हाकुमुस्या ३. संन्या ४. निर्जीव ख्ये ५. स्या-
बजि । । हानं थथ्येनं खः - १. भुति २. केगु
३. गोमाय् ४. लाभा ५. कलिह बौस्वाँ ।

हानं हिन्दुधर्म अथवा शैवधर्मया प्रमाण पञ्च-
बलिया विवरण, श्री पं. तोयनाथ शर्मा ज्योतिसा-
चार्यजुं (२०१८) वि. सं. या पत्रे थथ्ये चवथा
बिज्यागु दु ।

१. म्येया प्रमाण भुयुफसि २. दुगुया प्रमाण तु
३. फैया प्रमाण तुसि ४. हेंया प्रमाण पालु ५. न्या-
या प्रमाण तोरिया । ह्लापाया विद्वाँन् पिसँ थुजागु
दोहलया पञ्चबलि पूजायाना सिद्धि लाना अनेक
पराकृत कयना स्वर्गवास जुयावन । • ।

कतिपुन्ही (कच्छनाथ्व सुदि) आश्विन पुन्ही
खुन्हुया ज्या लिंग पुराणे शिवबचन

अ श्विने पौर्णमास्यां तु चरेज्जागरं निशि ।

कौमुदी मास माख्याता कार्यलोक विधांयते ।८१।

अर्थ

आश्विन पुन्ही कतिपुन्ही धाइ कौमुदी पुन्हीनं
धयातल । श्व दिने व्रत चवना इष्टदेवता पित्त पूजा
याये । थः थः गु छे लक्ष्मीदेवी लुमंकानं पूजायाय्गु
मतोरथ कार्य पूर्णज्वी । ० ।

पुनः चित्रविंशति अवदाने बुद्धोपदेश प्रमाण

आश्विने पौर्णमास्यां वै प्रदक्षिणा जिनालये ।

अहोरात्र व्रतंकुर्यां द्वात्रौ दीपावलीं चरेत् ।८२।

बुद्धं धर्मं च संघं च भजामि सर्वदा ध्रुवं ।

तारां जितेश्वरीं चैव नौमी मांतारय प्रभो ।८३।

पदे पदे सुवर्णैक ह्यहोरात्र व्रतं चरेत् ।

आश्विने पञ्चदस्यां वै चैत्य प्रदक्षिणानिच ।८४।

अर्थ

आश्विनपुन्हो (कतिपुन्हो) खुन्हु निश्चय योना
 बुद्धालय स्वयंभू चैत्य चाहुला अहोरात्र व्रत निराहारं
 चवना रात्रिस दीपावली मतबियेगु । बुद्धयात धर्म-
 यात सङ्ख्यात नित्य निश्चययाना भक्तियाये । आर्य-
 तारा जिनेश्वरीयातनं प्रणाम दु । हेप्रभो जित संसार
 या जालेतः क्यनोगु दुःखं तरेयाना बिज्याहुं । ।
 थुगु पुन्होया दिने चछि ह्लिछि छुं मनसे व्रत चवना
 स्वयंभू चैत्य बुद्धालय पूजायाय् धुंका प्रदक्षिणा
 याय्गु । बुद्ध धर्म सङ्ख्यात प्रणाम धका भक्ति
 याय् फत धामा उत्तमफल लाइ । पुन्हो मध्ये
 च्चेजागु जुया छयलाछिनाया सुवर्ण छगु रतिदान
 यागु तुल्य पुग्य प्राप्तज्जी । थ्वहे प्रमाणं यले थुगु
 पुन्होबले वंजा वनेगु धका विहार पूजा याइबले
 त्रिरत्न नामोच्चारण याना ह्लापालाक धलपाः थाय्गु
 धका बाजंयाना वनीगु चलननंदु । • ।

योसिस्वाना तयागुलि च्चे रुतबीगु प्रमाण

बराह मंत्रे थथ्ये दु ब्रह्मबचन

कार्तिकमास पर्यन्त विश्वध्वजे प्रदीपयेत् ।

अगतीनां गतिप्राप्तं यथा शक्राशिषं ददौ । ८५ ।

अर्थ.

कार्तिकमास लक्ष्म्या विश्वध्वज (योसौ) स च्चे
मत तयागुया फल गथ्ये इन्द्रं हरिश्चन्द्र राजायात
हिमालपर्वते तपस्य याह्य ऋषिमुनि भरभर आजु-
यातनं आशीर्वाद बिया भिगुगतिछोथ्ये पुनः सकल
तितार्वणि अगतिस लाणि पापित फुक यातनं भिगु
गति प्राप्तज्जी धयातल । ० ।

पुनः प्रमाण थथ्येनंदु वराहतंत्रे

आकाशदीपं यो दद्या तारामेकं निरंतरं ।

यज्ञहोम सहस्रस्य फलं प्राप्नाति मानवः । ८६ ।

अर्थ

गुह्यमानवं कार्तिकमास लक्षितक द्विह्नि आका-
शदीप नाम छह्य छह्य तारागणपित्त धका लुमंका

थः थःगुछें अथवा योसि श्वानातगुलि मततया दीप
दान याइ । वननुष्यं ण्हि दोछिक यज्ञहोम यानागु
तुल्यज्वी । नेपालभाषा आलमत बीगु धाइ । आकाशे
सकलयात मत बियागु धागु अर्थ खः धका
धयातल । ० ।

-०००-

मातृभक्ति – माँया खुवाः स्वेगु
तीर्थ महात्म्ये प्रमाण

चैत्रकृष्ण ह्यमावास्यां मातृ दर्शन चात्मजैः ।

कुर्याच्च मातरं चान्नं तथैव लभते फलम् । ८७।

दिवंगता मातृतामा मातातीर्थे प्रदानकं ।

तद्दिने स्नानदानाच्च दिनं चलभते तनुः । ८८।

अर्थ

चैत्रकृष्ण (चौलागा वदि) अमाइ खुन्हू माँ
सजोव तिनिसा माँयात खुवाः स्वया माँया आशीर्वाद
फरा काय् म्हाय् पिसं यक्व पक्वान्न व्यंजनादि-सहित
तृप्तज्वीक भोजन दानबीगु । । माँ स्वर्गवास वने

धूँकूसा माँयानामं फुसा मातातीर्थेवना स्नान पिण्ड-
दान (श्राद्ध) याय्गु । मफुसा पुरोहित गुरुयात
अथवा भिक्षु याचक पित्तनं थमंफुथ्ये निसला अन्न
द्रव्य दान बीगु । माँ अबु थःपित्तनं स्वर्गवास
लाभ ज्वी । ० ।

पितृभक्ति - अबुया मुख दर्शन याय्गु

तीर्थ महात्म्ये प्रमाण

नभकृष्ण ह्यमावास्यां पितृ दर्शन पुत्रकैः ।

पितरं चान्नदानंच कुर्याद्भोजन माचरेत् । ८९ ।

दिवंगताया नाम्नापि गोकर्णस्थिते प्रदानकं ।

स्नानदानादिकं कुर्यात्स्वर्गमाप्नोति तत्फलम् । ९० ।

अर्थ

श्रावण कृष्ण अमाइ (गूलागा वदि) या औंसी
खुन्हु दिने अबुया मुख दर्शन याना सगंबिया काय्
मह्याय् पिसं फको श्रद्धातया शुद्धगु भोजन दान-
बीगु । पिताया आशीर्वाद फया प्रणाम याय्गु । ।
स्वर्गवास ज्वी धूँका गोकर्ण तीर्थे वना स्नान दान

श्राद्ध याय्गु । मफुसा गुरू पुरोहित यात फुथे निसला
अन्न दान बीगु । अबुनं थःपिनं स्वर्गवास मिले-
ज्जी । ० ।

-०००-

इति श्रीकण्ठानन्दो पाध्याय संग्रह कृत नेपाल वर्ष
नखःचखःसंक्षिप्त संपूर्णम् । ० । शुभ अस्तु सर्वदा ।



श्वखँछगु नेपालवर्ष क्रियास

चवगुमखु

मिसामचात बाह्लातैबले ख्यापासा तेमागु कारण

सीकेमागु खँ वंशावलीया प्रमाण

नेपाल सम्वत् ७८३ स श्रीनिवास मल्लया
पर्याये शंखपुर ग्रामे चवंह्य छह्य दरिद्र शंखधर नाम
शाकप्रजुया थःस्त्री वयाक म्हाय् छह्यनापं सोह्य जहान
हु । वया म्हाय् १२ वर्ष पुलेवं बाह्लातल । श्व दरिद्रम्हं
छुनकी त्वंकीधका हेलायाना पाशापि छम्हहेमव ।
अबुम्हं स्वय्मज्यु माँया लिसला उख्ये थुख्ये जुल
ल्लिछि याकचा चवनेमाल । विचार मगाना बाह्ला

चवम्ह सिया शरीर दुर्गन्ध रोग जुल च्यान्हु दुवले
सीथ्ये चवन ।

उगु बखते करुणादुम्ह तुयूम्ह ख्यानीछम्ह बाह्ला-
तया तम्ह ग्याइधका वया पाशाया रूपकया ववथाय्
वया जिदु छं छुंयन्दा काय्मते धया भरोसा बिया
फोहरगु दुर्गन्ध सुत्रका शुद्धयाना नस्वागु स्वां हया
नत्वंका फल मधिहया नहा विचार यत्त । बाह्ला-
तम्ह रोगी शान्त जुल । मांम्ह सिया म्हाय्या
पाशावया सोवल धका लेःताल ।

पितनेगु १२ दिनया सुथे मांम्ह लः कया लिहां
वबले लें म्हाय्या पाशा नापलात, छाया पिहांवया
थौं पिक्काय्गु जुलनुः धयानापं बोनाहल । कोथाय्
दुने वंबले थःगु रूपम्ह म्येम्ह पाशा खना पाशाम्ह
मांम्ह बाह्लातम्हनं अजुगति जुल । सोम्हसिया थो
थो खँजुल ।

ख्यानी पाशा न्हिला धाल । छिपिं अजुगति
ज्जोम्वाल, छिपिं थन गरीब, जूगलिं बाह्ला चवम्ह

दुर्गन्ध संतापया रोगं सीथ्ये च्वना थ्वया पाशाया
रूपकया वया विचारयाना च्वना सन्ताप दुर्गन्ध
रोगं सीत्यम्ह बचेजुल । सीगु जूसा छुगति ज्वीगु,
आः असलहे जुल, जि मनुमखुः मिसाम्ह ख्याखः थुलि
धया ख्यानीया रूप क्यना हानं म्येगु छगु खँकन ।

थथ्येहे म्येथाय् नं छम्ह दारिद्र्या याक म्हाय्
बाल्लातम्ह मिसामबा १२ वर्ष दुम्ह याकचा खिउँ
कोथाय् कुनातल । सुँहे मवया खोयाच्वन । मिजंम्ह
ख्या मिसाथ्ये मनुजुया वया बाल्लाक्वथाय् द्वाहांवना
पाशाच्वना हेका भरोसा बिया नापंचना वनीगु ।
थ्वखँ सुनानंमस्यु बाल्ला पिकया फ़िलादुवले ख्याथे
च्वंम्ह काय् मचाबुल । वया मां अत्रुपि अजुगति
जुया नालामका वेश्या धका ह्यपाय् त्यपाय् जुल ।
थ्वहे पीरं मांनं मचानं सित ।

थथ्ये १२ दिनतक कोथाय् याकचा गुवलें तेमते
धया ख्यानी थःगु थासे लिहांवन । लिपा बाल्लामचा
पिकया शान्ति श्वस्ति सूर्यदर्शन पूजायाना सिधेकल ।

अनंतिसें बाह्ला तंबले कोथाय् रक्षाकारी धका
मिसाम्ह छयानीया नामं किसली पाशा तेमागु थिति
अद्यापि दयाच्चन । ० ।

श्वखँ ११०१ स, श्वपुधैगु सफुतिनं पिकाय्
धुंकल । तथापि पुनः उल्लेखयाना ॥०॥



1

2

लेखक्या प्रकाश जूगु सफूत

बुद्ध — वृष जन्म कथा	१
सूर्योदय राजाया कथा	२
स्तोत्र दपंण	३
नेपाल बषं क्रिया	४
बुँगद्यो नेपाले हःगु बंशावली	५
गुणवती कथा	६
नेपाल भाषा देव स्तोत्र	७
अन्त्य शान्ति क्रिया पुस्तकम्	८
सर्वानन्द नृप जातक	९
सुरदत्त कथा	१०
नेपाल तीर्थं व्रत	११
महायान बुद्ध-धर्मं दपंण	१२
भार्य तारा स्तुति परित्ताण पाठ	१३
द्वादश तीर्थं व्रत	१४
मल्ल कालीन ग प्याखें	१५
बोधि सत्वाबदान माला भाग-१	१६
” ” ” ” -२	१७
” ” ” ” -३	१८
तारा पारा जिका	१९

सफू काय्गु थाय्ः—

लेखक व प्रकाशकः

• पं. वै. आशाकाजि बज्राचार्य

ललितपुर, अथननि ।

थाकूः श्री प्रिन्टिङ्ग प्रेस, ओमबहाल, येँ । फोन २२२-३३३